

PENSEO*81

jul. 1998



ENHAVO
 OMAĜE AL 90-JARA LI NAIXI [Seimin] *
 AL LI NAIXI [Mao Zifu] *
 AĈJO NENIAM OLDIĜA [Mao Zifu] *
 AL VERDEMULO [Shi Chengtai] *
 TRI ESEOJ [Chen Yuan] *
 Laste aperis... *
 Triope Berilas [Guozhu]*

OMAĜE AL 90-JARA LI NAIXI

Seimin(1941-)

90-JARIĜO DE LI NAIXI

Dojen’
 berilas
 ruben’
 brilbrilas
 jarcent’
 momentas
 arĝent’
 omentas
 movad’
 stafetas
 brigad’
 impetas
 la stel’
 eternas
 la verd’
 sternas
 Dojen’
 bel-iras...

Mao Zifu(1963-)

AL LI NAIXI(1908-)

en la celo nigra
 flugis via kor’ sur la ĉielo griza.
 al vi ferbariloj vojon lasis.
 sur la land’ la kvar direktoj
 sentas vian firmon.

gem’ radias tra la mondo.

lamp’ el popola ĉinio.

vi, gardisto de la turo

ja vidigas lumon al stiristoj.

veloj, ne nur revoj.

Maŝinmondon mulojn ŝatas

ne ĉevalon de pursango.

johano la brava

viasine ve kovigis pli ol dek

jarojn. globo la kristala

fine gajnas la piedojn.

dio benas lin. vi ŝajnas

ekster dia brusto.

frosta vento ? sen bro ! arbarego da

apogiloj ĉirkaŭ vi !

firme paŝu trans la sojlo

dumiljara. sen barilo.

via unu tago serena

por amikoj verdaj suno dekjara.

jaron post rejaro, ridoj viaj

estos vokaj tondroj en la marto.

OMAĜE AL 88-JARA Kurisu Kei

Mao Zifu(1963-)

AĈJO NENIAM OLDIĜA

— al 88-jara Kurisu Kei (1910-07)

frate, vi kaj mi renkontiĝis

ĉe la konkursoj de uea —

la nomo apud nomo,

la jaron mil naŭcent naŭdek kvin

sekve, hazarde aŭ destine

vi kaj mi ave parenciĝas nepe:

la koro ĉe koro.

jam balbutinte okdek jarojn,

vi al mi fine oratoras.

de komunismo esperantismo
al fuĉik, verda majo...
la lango salon kaj l' sensalan
gustumas. sato sed avida
vi ĉasis knabe ĉielarkon
sur ejfelturo kaj la aglon
kaj urson sur ĉielo.
ĉevale pragen krabŝipe
el la insulo vi avetis
aŭtune... taŭron trafis ho
okdeksepjara pikrajdisto !
huraĵoj el valencikajo.

el viaj manoj la kolombo
flugas. trans la mar’ hirundoj
navetas. samas la radikoj:
hieroglifo nin ŝnure ligas.

neniam tarde. eĉ se sur la
mont’ jam ne neĝus, venas ĉiel
printempo. kiel debutanto
sed ne estiel, vi novtajdon
trovas. ankoraŭ hube. verda
sezon’ atendas viajn semojn.

OMAGÊ AL 80-JARA Chen Yuan

Shi Chengtai(1939-)

AL VERDEMULO 1)

— dum la 80-a jariĝo de Chen Yuan

Iam vi sonĝis : ĉu mi min aŭkcias ?
sed vi neniel vendis la animon !
Kaj via Verda Koro pli radias,
kiam vi iras en vespera limon. 2)

Pro l’ sorĉo de Beethoven vi ebrias. 3)
al Berlioz oferas vi estimon 4)
La sovaĝan frenezon vi defias,
l’ eseoj gloras humanisman himnon.

Vi zorge bakas Socilingvistikon 5)
dum praktikad' manovris vi taktikon
por la prosper' de Esperanto lerte. 6)

El sudo estas vi kuraĝa mevo,
senlace strebas plu pro verda revo 7)
gvidas l' idan generacion sperte. 8)

Notoj :

1) Chen Yuan redaktis kaj mimeografe eldonis la movadan revuon La Verdemulo en Kantono dum la komenco de la 30aj jaroj. 2) sian lastan esearon li titolis Vortoj dum la Viva Vespero. 3) li ĉinigis biografion de Beethoven(1770-1827) verkita de Romain Rolland. 4) li ĉinigis biografion de Berlioz(1803-1869), franca komponisto, verkita de Romain Rolland; la novaj eldonoj de tiuj ambaŭ lastatempe aperas. 5) li kreis la bazan studadon pri Soci-lingvistiko en Ĉinio, liaj verkoj pri lingvistiko en 3 volumoj eldoniĝos. 6) dum la Kultura Revolucio li kaj la pioniro Hujucz kune klopodis por viv-daŭrigo de ĈEL, vd lia libro Pri Hujucz, SanlianLibrejo, 1994, Pekino. 7) artikolo bonstile verkita de la por memori pri s-ano Jxelezo kun la titolo Revo pri Lingvo aperis en prestiĝa revuo La Legado nro 185, aŭg. 1994. 8) li prezidis ĈEL multe da jaroj, nun li ankoraŭ restas ties honora prezidanto.

Chen Yuan (1918-)

TRI ESEOJ

Aŭkcii Min Mem

Mi sonĝis. Mi havis la longan sonĝon.

Mi sonĝis, ke mi aŭkciis min mem. Post mia kolo sidis etikedo, sur kiu fronte estis skribata: "Aŭkcii ĉi tiun homon", kaj dorse alia linio: "Kondiĉoj konsiliĝu vid-al-vide"

Ankaŭ en tiu sonĝo viro alpaŝis, palpante mian kapon, miajn manojn,— kiel oni aŭkciis negrojn antaŭ pli ol cent jaroj en usona filmo, demandante : Kiom da taeloj da arĝento vi kostas ?

Mi respondis : Menzio 1) diris, ke Regxo ne necesas temi pri profito, nur la bonkoreco kaj honesteco sufiĉas por mi.

Alia, kiu vestas sin, kiel kadro dum la 50aj jaroj, alproksimiĝis, dirante: Kiom da mono vi deziras ?

Mi respondas: Ne deziras monon. La homa vivo signifas senegoisman oferdonon.

Tiam iu grandegulo iris al mi, demandante : Do kian kondiĉon vi deziras ?

Mi diris: Ne estas alia kondiĉo ol respondi pri miaj manĝado, loĝado, vestaĵoj kaj kuracado, t.e. la tuto. Ĉion mi faros, kio vi postulas min fari, ekzemple vi postulos min verki artikolojn, dokumentojn, projektojn aux subskribi dokumentojn, purigi necesejon, kuirejon, porti aĵojn...ĉio estas plenumata, eĉ ascendus sur ĉielon aŭ enirus teron sen ajnaj plendo aŭ grumblo...

Tiu grandegulo diris : Nu, bone, mi aĉetas vin.

Mi diris plu: Sed nur unu el mi ne vendas mi, kiun mi rezervas por mi mem.

La grandegulo demandis : Kio estas tiom kara por vi ?

Mi diris : Mi ne vendas la animon. Mi estas AQ 2), neniel vendas mian animon.

La Grandegulo koleris kaj ekbatis min per la forta polmo. Mi ekvekiĝis el la sonĝo.

Ĉu eble mi sonĝus, eble mi fakte aŭkcius min, eĉ vendus la pliparton de mia vivo ? kiu scias ...

Notoj:1) Mengzio (ĉ.372 a.K.-289 a.K.)—filizofo, la heredinto de Konfuceanismo, la citata frazo estas el la ĉapitro de lia verko Mengzio.

2)AQ—protagonisto en novelo La Ĉefa Historio de AQ far Lusin(1881-1936), vd. Noveloj de Lusin (Plena Kolekto), Fremdlingva Eldonejo, 1974, Pekino, p.82136

Ĉasteco de Neruda

Iu recenzisto diris, ke Neruda 1) korinklinas al la granda naturo. Li citante version de la poeto : "Tero, arbaro, maro, ondo, pluvo", diris, ke la poeto rekondukas homojn en la naturon, iam apartenantan al la homaro, sed nun perdatan de la homaro.

Li pravas, sed ankaŭ ne pravas.

Oni devas scii, ke la poeto amis tiun maron, kiu ne nur estas la maro en la naturo, sed estas la maro de Pozitono, t.e. la personigata maro de la poeto: la poeto amis tiun teron, kiu estas tero de Teropanjo,t.e. tero de la homa mondo. La poeto amis la homan mondon, la gajan, suferan homan mondon, tial la poeto forte amis la plej ĉastan,sanktan senton en la homa mondo: la Amoro. La amoro ne estas volupto, sed estas la amsenta pasio.

En la poemo Kanto pri Ĉefo, anonime aperinta tiam, la poeto laŭforte priskribis kaj laŭdis ĉastan amon en la homa mondo kaj ties amoran agadon. Li per aŭdaca lingvaĵo esprimis sen skrupule la seksan amon. Tradukinto de tiu poemo diris al mi, ke ŝi 2) preskaŭ honteme reskribis tiujn versojn en la ĉinan. Tamen ĉiuj konfidas, ĉio tio, kion versis Neruda, ja estas pura kaj sincera, tial tio ankaŭ estas ĉasta.

Ĉar "ĉio verkita de mi estas dediĉanta al ŝi", Ŝi ja estas ina.

Notoj:

1)Pablo Neruda (1904-1973)— Fama poeto de Ĉilio, Nobelpremiita en 1971.

2)El Poemoj de Neruda,ĉinigita de Chen Shi, Hunana Popola Eldonejo. 1985.

Slogano

Palpebrume pasis tridek jaroj.

Tiam ĉe la fino de ĉiu batala kunveno la ribelantaj herooj ĉiam alte svingis siajn brakojn, kriante :**"Se ne kapitulacas malamiko, kiun do lasu pere !"**

M.Gorkij 1) mem ne antaŭpensis, ke la ribalantaj herooj sur la tero de Ĉinio prenis tiun belan kaj heroan frazon verkitan de li, kiel altonan sloganon, por batale venki tiujn reviziistojn rigardatajn de ili.

Ne sciante kialon, kiam mi ekaŭdis tiun sloganon ĉe la kontinuaj batalkunvenoj, mi tuj memoris similan frazon :**"Se Dio lasu iun pere i, kiun unue frenezigu !"**

Kiam tiuj grege unuvoĉe kaj energie kriis la sloganon pri pere o ĉe la batalkunvenoj, mi mem en la koro ankaŭ ŝtele kriis la alian pri pere o.

Dum tiuj tiuj jaroj ĉiuj tute frenezis. Viroj kaj virinoj, altstaturaj aŭ malaltstaturaj, junaj aŭ maljunaj, ĝentileskaj aŭ sovaĝaj, tute frenezis. Tiuj, kiuj ne frenezis, estis batalataj, kaj la frenezantaj batalis kontraŭ aliaj. Tiuj, kiuj ne frenezis, devis simuli sin frenezaj, se ne, ili ankaŭ eble estis pelataj en vicon de la batalatoj.

Ĉu la moderna medicino kapablas atesti, kiam ĉiu opiniis la cerbon de la specife tre saĝa, tre sankta homo la sia, la socia kolektivo falis en la tutan frenezon ?

La historio certe donos ateston al la moderna medicino.

-

Noto:M. Gorkij (1868-1936) — la soveta verkisto.

Laste aperis...

La Triptiko

de Amrakontoj

de Tang-dinastio

Broŝuro eldonata de Penseo

80 p.plus kovri loj. 15x21cm. Ilus.

Enhavo:

La Amo de F-ino Cui Yingying

La Filino de Princo Huo

La Honordamo Sino Li Wa

Esp-igis Guozhu

Ilustris Ĉinson

PAĜO DE ĈINESKO

Guozhu (1938-)

Triope Berilas

—Laŭ ĉinesko Sopir-al-Sudo

Triope

jubileuloj

sur paĝo de Penseo

berilas kun stimuloj

benate de gratuloj

Sopir-al-Sudo :ĉina fiksforma poemo el kvin versoj de 3,5,7,7,5 silaboj laŭ rimaranĝo de x,a,x,a,a (x=senrima).